

Broj: **01-04-13-00760/2021**
Sarajevo, 11.02.2021.godine

504

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
N/P- PREDSDJEDAVAJUĆI SKUPŠTINE
KANTON SARAJEVO- Elvedin Okerić**

ZASTUPNICA- **Danijela Kristić**
veza vaš akt br. 01-04-3006-4/21 od 03.02.2021.godine

PREDMET: Odgovor na zastupničko pitanje Danijele Kristić, *dostavlja se*

Poštovani,

Federalna uprava za inspeksijske poslove, zaprimila je dana 10.02.2021 godine akt gornji broj, koji je zastupničko pitanje uvažene zastupnice Danijele Kristić. Pitanje se odnosi da li objekti u vodozaštitnoj zoni I i II izvorišta Sarajevsko polje koji ispuštaju otpadne vode u septičke jame, imaju odgovarajuće vodne dozvole, odnosno da se izvrši vanredni nadzor u vezi provjere po ovom pitanju, ukoliko nadzor nije vršen u 2020.godini.

U vezi sa postavljenim pitanjem, u pripremi odgovora konsultovan je Federalni vodoprivredni inspektorat.

U obavezi smo informisati uvaženu zastupnicu da se Federalni vodoprivredni inspektorat dana 03.07.2020.godine obratio¹ se nadležnom Federalnom ministarstvu poljoprivrede, vodoprivrede i šumarstva (u daljem tekstu: FMPVŠ) za stručno mišljenje u vezi vršenja inspeksijskog nadzora na lokalitetu vodozaštitne zone Sarajevsko polje.

¹ Akt Federalnog vodnog inspektorata br. 14-21-3-0006/2020-14-P-14-1-P od 03.07.2020.godine

Naime, zatraženo je stručno mišljenje vezano za nadležnost ove inspekcije u vezi sa Odlukom² o zaštiti izvorišta vode za piće u Sarajevskom polju iz 1987 godine. Ova odluka je donešena davno prije Zakona³ o vodama Federacije BiH, kada nisu postojali entiteti, kaznene odredbe su izražene u valuti bivše države u dinarima, zatim utvrđivanje zaštitnih zona je poznavalo pored I i II zone, i „užu“ zaštitnu zonu, koju ne poznaje Zakon o vodama isl.

Od strane nadležnog FMPVŠ dobili smo izjašnjenje dana 4.08.2020.godine u kojem nam je ukazano da za izvorište Sarajevsko polje nije donesena odluka o zaštiti izvorišta propisana čl. 13. i 15. Pravilnika⁴ o načinu određivanja zona sanitarne zaštite i zaštitnih mjera za izvorište vode za javno vodosnabdijevanje stanovništva.

U svom odgovoru, nadležno Federalno ministarstvo nam je ukazalo, da je Kanton Sarajevo usvojio Zakon o izmjeni i dopuni Zakona⁵ o vodama kojim je u prelaznim odredbama utvrdio da stupanjem na snagu Privremene odluke o zaštiti izvorišta prestaje da važi Odluka o zaštiti izvorišta za piće u Sarajevskom polju.

S obzirom da Kanton Sarajevo nije i donio Privremenu odluku, naprijed pomenuta odredba Zakona o vodama KS, potvrđuje da je Odluka iz 1987 godine važeća, te da je za sva pojašnjenja u vezi provođenja ovog pitanja nadležno kantonalno ministarstvo koje je predlagač kantonalnog Zakona o vodama.

Na temelju dobijenog odgovora od FMPVŠ, obratili smo se dana 02.10.2020.godine i Ministarstvu privrede kantona Sarajevo sa zahtjevom za dobijanje pojašnjenja vezanog za provođenje nadzora po Odluci ministarstva koji je i predlagač Zakona o vodama Kantona Sarajevo, ali do danas nismo dobili traženo pojašnjenje.

Dakle, odgovarajući na pitanje uvažene zastupnice i datu inicijativu za vanrednim nadzorom, možemo samo ukazati, da federalna vodna inspekcija uvažava dato mišljenje nadležnog FMPVŠ, te da, do daljnjeg ne može postupati, sve dok nadležno kantonalno ministarstvo, Kantona Sarajevo kao obrađivač propisa, ne dostavi traženo pojašnjenje u vezi utvrđivanja nadležne inspekcije za nadzor u vodozaštitnim zonama.

S poštovanjem,

Prilog: Stručno mišljenje FMPVŠ od 29.07.2020.godine

Dostavljeno:

- 1 x Predsjedavajući Skupštine KS sa 1 prilogom
- 1 x zastupnica Danijela Kristić sa 1 prilogom
- 1 x a/a



mr. Anis Ajdinović

² Odluka o zaštiti izvorišta vode za piće u Sarajevskom polju br. 13-37-5/87 od 29.01.1987.godine objavljene u „Službenim novinama“ Grada Sarajeva

³ Zakon o vodama Federacije BiH („Službene novine Federacije BiH“ broj 70/06)

⁴ Pravilnik o načinu određivanja zona sanitarne zaštite i zaštitnih mjera za izvorište vode za javno vodosnabdijevanje stanovništva („Službene novine Federacije BiH“ broj: 88/12)

⁵ Zakon o vodama Kanton Sarajevo („Službene novine Kanton Sarajevo “ broj:43/16)

04-08-2020

14

Broj: 07-21-1/4-1090/20
Sarajevo, 29.07.2020. godine

FEDERALNA UPRAVA ZA INSPEKCIJSKE POSLOVE
Inspektorat vodne inspekcije

PREDMET: Stručno mišljenje - *odgovor*

VEZA: Vaš akt broj:14-21-3-00006/2020-14-P-14-1-P od 03.07.2020. godine

Vašim aktom broj i datum nevedenim u vezi, zatražili ste stručno mišljenje u vezi postupanja po Odluci o zaštiti izvorišta vode za piće u Sarajevskom polju broj:13-37-5/87 od 29.01.1987. godine u svrhu vršenja inspeksijskog nadzora na lokalitetu vodozaštitne zone Sarajevsko polje.

U vezi s navedenim i u skladu sa svojim nadležnostima dajemo sljedeći odgovor:

Za izvorište Sarajevsko polje nije donesena odluka o zaštiti izvorišta propisana čl.13. i 15. Pravilnika o načinu određivanja zona sanitarne zaštite i zaštitnih mjera za izvorište vode za javno vodosnabdjevanje stanovništva („Službene novine Federacije BiH“ broj 88/12). Naime, Kanton Sarajevo je usvojio Zakon o izmjeni i dopuni Zakona o vodama („Službene novine Kantona Sarajevo“ 43/16), gdje je članom 2. izvršio izmjenu kojim je u članu 83. dodan novi stav (2) koji propisuje da:

„Stupanjem na snagu Privremene odluke o zaštiti izvorišta prestaje da važi Odluka o zaštiti izvorišta za piće u Sarajevskom polju („Službene novine Grada Sarajeva“ broj 2/87) (u daljem tekstu: Odluka), za to izvorište, a koju su donijeli organi Grada i općina prije stupanja na snagu izmjene i dopune ovog Zakona.“

S obzirom da Kanton Sarajevo nije donio Privremenu odluku, naprijed citirana odredba Zakona o vodama Kantona Sarajevo potvrđuje da je Odluka važeća, te sva pojašnjenja u vezi provođenja ovog pitanja je u nadležnosti kantona, odnosno nadležnog kantonalnog ministarstva koji je predlagač Zakona.

S poštovanjem,



mr.šejk Semsudin Dedić

Dostaviti:

- ① Naslovu,
2. Sektoru za vode i
3. a/a.